

ԵՐԳԵՐ ԽԱԼԻՔԻ ՇՈՒՐՋԸ

Եկատերինն երկրորդ կայսրուհու 1779 թվականի 14-ը նոյեմբերի արտոնագրի համաձայն Նոր Նախիջևանի հայ հասարակությունը ունեւր ազատ ինքնավարութիւն, որը կառավարում էր յուր օրենքներով ու սովորութիւններով: Հայ հասարակութիւն մեջ էին մտնում ինչպես քաղաքացիները, այնպես էլ գյուղացիք: Հասարակութիւն գլուխն էր կանգնած Հայկական Մագիստրատը, որը իր գոյութիւնը պահեց մինչև 1874 թվականը:

Անցյալ դարի երեսնական թվականներէց մինչև 1870-ական թվականները հայ հասարակութիւն կյանքի մեջ մեծ դեր է խաղացել Հարութիւնը՝ խալիբյանը: Նա շորս անգամ ընտրվել է քաղաքագլուխ: Իր բազմաճյուղ առևտրական գործերով ավելի ազատ զբաղվելու համար նա մեջընդմեջ քաղաքագլուխ էր դարձնում իր ազգականներին ու բարեկամներին, որոնք հլու հպատակ կատարում էին նրա կամքը, ղեկավարը նա էր մնում:

Խալիբը շատ մեծ վաճառական էր և խոշոր կալվածատեր: Նա ունեւր առևտրական գրասենյակ Նոր Նախիջևանում, Տագանրոգում, Քեոդոսիայում և Կոստանդնուպոլսում: Խոշոր եկամուտ էր ստանում նաև գյուղատնտեսութիւնից, նա ունեւր խոշոր ագարակ՝ զբաղվում էր ոչխարաբուծութիւնով:

Խալիբը իր ժամանակվա ռեակցիայի պարագլուխներից մեկն էր: Նա մաքուր մարդ էր փողային հարցերի մեջ: Չորս անգամ քաղաքագլուխ ընտրվելով հանդերձ, նա ոչ մի անգամ հաշիվ չի տվել հասարակութիւնը: Նրա ամբողջ գործունեութիւնը հիմնված էր ապօրինութիւն, կաշառակերութիւն և այլ անիրավութիւնների վրա: Ներսես Աշտարակեցու լիազորութիւնը նա էր պահում եկեղեցական փողերը: Տասնյակ տարիներ հաշվետու չլինելով ոչ ոքի առաջ սեփականացրել էր երկու հարյուր հազարից ավելի եկեղեցական գումար: Այդ առաջ բերեց մեծ ան-

բավականութիւն ժողովրդի մեջ, հասարակութիւնը բաժանվեց խալիբյան և Հայրապետյան կուսակցութիւնների: Վերջինիս հարում էր նաև Մ. Նալբանդյանը:

Մագիստրատի նիստերին մասնակցում էին և գյուղացոց ներկայացուցիչները: Խալիբի ոտնձգութիւնների պատճառով գյուղացիները դադարեցին մասնակցել Մագիստրատի գործերին:

Շատ են եղել խալիբին անիծող ժողովրդական երգերը. մեզ հասել է շատ քիչ բան: Ահա մեզ հասած կտորները:

Ջալըմ մաշդ էր ան Բաբուգ աղան,

Մեր քաղաքի զալում գոլովան:

Դահա զոռբա էր առջևի գղան,

Աթլը խառաուլ կեղացի Ստյոփան:

Աղան գելլեր ժեք ծին լըձաձ,

Ստյոփան առջևն չալ ծին հեձաձ,

Խալմուխ խամչին ժըվիլ-ժըվիլ,

Հալխը առչը աիրիլ-տիրիլ:

Արիշի ձին գագղաձ յոռղա,

Յանդաուլներ ֆըշթընա.

Աղան գեշթա առոք-փառոք,

Քոլը նստած գնիգը դեսոք:

Աղան գեշթա խութուռները,

Տիմացը գելլին եսիրները,

Հեսար գառնե խըզմեթթյարեն

Ինչքան ձախիլ է նա ցորեն:

Հողեն շիդագ տերի Տայղան,

Կանտոռի կորձերը գընայի թամամ,

Անգից գելնե հրիմի ջամփան,

Քեֆեի խութուռը գըհասնի համան:

Խալիբը ոչ մի հոգատարութիւն չի ունեցել քաղաքի զարգացման մասին. նրա օրով ոչ մի ուսումնարան չի բացվել, ոչ մի հասարակական շէնք չի շինվել: Սեփականացնելով եկեղեցական փողերը, նա շինեց Քեոդոսիայի խալիբյան ուսումնարանը, որի գո-

յությունը եղավ շատ կարճատեւ, իր ընտանեկան կյանքում ևս նա մաքուր չէր և ոչ էլ բախտավոր: Նա շատ սիրում էր թիկնապահ գյուղացի Ստեփանին, շատ հավանում էր նրան: Ստեփանը քաջ երիտասարդ էր, նրա ձեռքով հալիքը մտրակի շատ հարվածներ և «շամառներ» է հասցրել իր թշնամիներին: Ստեփանը համարվում էր հավատարիմ ծառա: Մտերիմ էր հալիքի ընտանիքի անդամներին հետ և սիրահարվեց աղայի մեծ աղջկան՝ Հոռոսմային: Վերջինս սիրեց Ստեփանին, այդ մասին հայտնել հորը անկարելի էր, ազնվական հալիքը երբեք իր աղջկան չէր տա մի աղքատ գյուղացու: Նրանք զաղտնի փախան, պսակվեցին և գնացին Ղրիմ, ուր գյուղերից մեկում թաքնվեցին մի քանի տարի: Խալիքը ոտքի հանեց ամբողջ ոստիկանությունը, մինչև իսկ զինվորական մասերը, շատ զայրացավ, բայց բան անել չկարողացավ:

Այս առթիվ եղել են շատ երգեր, թե քաղաքում և թե գյուղերում, բայց մեզ հասել են չնչին բեկորներ:

Աղան ուներ երգու ախլիդ,
Մեծը՝ Հոռոսմա, փոքրը՝ Նուրիգ,
Հոռոսման չորցած, Նուրիգը փշված,
էրդուան էլ անուս, անդեր մեծացած:
Հոռոսման թուրքի ամոթին բերանը,
Խեղի պես սիրեց նարա Ստեփանը.
Գիշերով փախան, փսագվեցան,
Շունի պոչթայով խրիմ հասան:

Այս երգի շարունակությունը չհաջողվեց գտնել: Այս զույգը ապրեց երկար և երջանիկ կյանքով Սուրբ Խաչ գյուղում, ուր և թաղվեցին մի գերեզմանափոսում:

Հոռոսմային է վերաբերվում և հետևյալ երգը:

Վերեն էգողը վով է,
Բաշմաքինները հով է,
Իբկան բոյեն գարձ է,
Խարիրգիթին հարձ է:
Հոռոսման էգավ ամառը,
Գերավ Խալիքին շամառը,
Նստավ շունի պոչտան,
Հասավ խրիմի օշթան:

* * *

Շատ սրված էր Խալիքի և գյուղացոց հարաբերությունը: Պատճառը անշուշտ հո-

ղային հարցն էր: Այս հարցի պատմությունը շատ մեծ է և լուրջ: Համառոտակի կասենք միայն հետևյալը:

Ռուսաց կառավարությունը «հայ հասարակությանը» տվել էր շուրջ 92.000 դեսյատին հող: Հրովարտական պարզ ասված էր, որ քաղաքին տրվում է 12.000 դեսյատին: Խալիքի ձեռքով քաղաքի հողերի մեծությունը հասել էր 22.000 դեսյատին: 1801 թվականի հողաշինարարության ժամանակ նովոռոսիայի երկրաչափական գրասենյակի հայկական գյուղերին հատկացրել էր 67.076 դեսյատին: Մագիստրատի ձեռքով հայ հասարակության նվիրված հողերի վրա 1814 թվականին հիմնվեցին 25 սեփականատիրական ագարակներ. ստացան այդ հողերը քաղաքի հարուստ վաճառականները, Խալիքը այդ տեղերում ուներ երեք ագարակ (Головинский, Поповка, Камышевахский), շուրջ 2000 դեսյատին: Խալիքի քաղաքագլխության ժամանակ շարունակվեց գյուղացիների հողերի հափշտակումը: Աղաները իրար հետևից սկսեցին շինել գյուղացոց հողերի վրա նոր-նոր խուտորներ: Զայրացած գյուղացիք սկսեցին քանդել և կրակի մատնել այդ նոր շենքերը: Խալիքը կառավարությանը զեկուցեց, որ հայ գյուղացիները ապստամբել են, պետք է ճնշել, և խնդրեց ուղարկել պատժիչ ջոկատներ, որոնց գյուղացիք անվանեցին «կուցի սուղաթներ» և մինչև օրս էլ հիշում են անեծքով:

Խալիքը ուներ ռուս ճորտեր. նա ուզում էր հայ գյուղացիներին ևս դարձնել ճորտեր, ղրկել նրանց հողերից և ստիպել, որ աշխատեն կալվածատերերի ագարակներում: Նա այդ նպատակով դիմել էր և հայտնի գեներալ Մադաթովին, խնդրել նրան, որ օգնի այդ հարցի իրականացմանը: Գյուղացիները քանի՜-քանի՜ փորձել են դիմել Վարձր իշխանության և զանգատվել Խալիքի ապօրինի գործերի դեմ: Խալիքի կարգադրությամբ գյուղական պատգամավորներին բռնում և պատժում էին:

Վերջի ի վերջո գյուղացիներին հաջողվեց զաղտնի ճանապարհներով Պետերբուրգ ուղարկել երեք պատգամավոր, Զալթերից՝ Եղիազար էկիդյանին, Թոփտից՝ Վարդերես Խաչիկյանին և Մեծ Սալայից՝ Կարապետ Դոմբայանին: Նրանք մայրաքաղաքում դի-

մել էին հաշատուր լաղարյանին և նրա օգնությամբ 1848 թ. հուլիսի 22-ին պետական խորհուրդը վճռել է հայ գյուղերին հատկացնել 67.076 դեսյատին հող:

Պատգամավորները վերադարձել են այդ վճիռը ձեռքներին: Այդ առիթ է տվել մեծ ուրախության, հորինել են երգ.

Ուրախություն մեղի համար.

Գարաբեգն ու Նղիազար,

Իժեքումն ալ Վաշդերես,

Հոն ալ եղան բարդերես:

Մալան ամթեն հոն մնաց,

Սաղ ծմեռը հոս-հոն կնաց.

Մալան էգավ ամառը,

Գերավ հալիբին շամառը:

Ջնայած պետական խորհրդի կայսերահաստատ վճռին, շնայած նրան, որ այդ վճիռը չէր բեկանված, զավթիչները մնացին իրենց տեղը: Այդպես ուժեղ էր հալիբը:

Կաշառքը, խնամիությունը և շատ ստոր միջոցներ հալիբի գործիքներն էին, նրա դեմ ոչ ոք չէր համարձակվի դուրս գալ:

Ժողովուրդը կնքել էր նրան «խալիբ-սըզ» արհամարական մականունով, իսկ շառխըճիները,

Մուխը մարից կեղ ու քաղաքին,

Արունը ձրձից խարիբ-Ղազարին.

հալիբի մասին շատ է գրված¹:

ՍԵԿՈՆԹԱՌԻՆ ՊԻՌՈԳԸ

Նոր Նախիջևանի Մագիստրատի բոլոր պաշտոնյաները հայեր էին, ընդհանուր գործավարությունը, դատավարությունը կատարվում էր հայերեն, բայց կառավարության հետ կապը պահպանելու համար, ավելի շուտ հսկելու համար, կառավարությունը միշտ ուղարկում էր քարտուղար (սեկոնթառ), որը փաստացի իր ձեռքն էր

պահում Մագիստրատի ամբողջ գործունեությունը: Առհասարակ ուղարկում էին գրագետ, բայց պաշտոնանկ եղած մի հարբեցող անձնավորություն: Այդ քարտուղարները ամենը անխտիր կաշառակներն են եղել և սիրել միշտ հյուրասիրվել հայ հարուստներին տներում: Նրանք անվերադարձ փողեր են վերցրել հայերից, որոնք միշտ շողոքորթելով պետական պաշտոնյաների առաջ, ուրախությամբ տվել են:

Այդպիսի քարտուղարներից (սեկոնթառներին) մեկը՝ հալիբի քաղաքագլխության տարիներին որոշել է ինքը ևս հայերից վերցրած փողերով հյուրասիրել նրանց: Բարիկենդանի օրերին նա իր տունն է հրավիրել քաղաքի աղաներին, «պիռոգ» և «բլինի» ուտելու:

Նախօրոք Դոնի ափից բերել են մի ընդարձակ նավակ, դրել երկու զույգ սահնակների վրա, զարդարել գորգերով, գույնզգույն թղթերով, դրոշակներով և մի ծայրում նրստացրել նվազախումբ:

Երբ որ հայերը ուտում են ուսական «պիռոգը» և «բլինին», խմում ուսական օղին ու հայկական գինին, սկսում են պարել և ուրախանալ: Հանկարծ հյուրերի համար անսպասելի կերպով տան դռան առաջ կանգնում է զարդարված նավակը իր նվազախումբով: «Սեկոնթառը» ամենքին տալիս է մի-մի դիմակ և առաջարկում նստել նավ և ճանապարհորդել քաղաքի փողոցներով: Երբ զույգ եղները քաշում են սահնակների վրա դրված նավակը, նվազախումբը նվազում է քեֆի եղանակներ: «Սեկոնթառը» զարմացնում է քաղաքը իր «սրամիտ» հրնարքով: Այդ առթիվ հորինված է հետևյալ երգը:

Պարիզենթանին գիրագին,
Սեկոնթառին պիռոգին
Քեմեչեն ձեռքը Թիրաքին
Համը նայեցավ քաղաքին:
Աս քաղաքը ձով գիդիս,
հայրեններով գրքալիս,
էքի չանա, դերա էկյուզ,
հախոլ Վասիլ ռեյուզ,
Դռանբացուքի դիբոնջի
Թաֆալարը յազըջի,
Սաղ քաղաքը բոլոր էգան,
Մասխարա էղաձ դուն էգան:

¹ Գ. Պատկանյան, Նոր Նախիջևանի պատմությունը, Նոր Նախիջևան, 1917 թ., էջ 96 և հետևյալները:

Աշոտ Հովհաննիսյան, Նախապալանը և նրա ժամանակը, II հատոր, Երևան, 1956, էջ 161—163, 168—174 և հետևյալ էջերում:

Խ. Փոբջեյան, Նոր Նախիջևանի հայկական գաղութի պատմությունից, Հայկ. ՍՍՌ ԳԱ «Տեղեկագիր», № 10, 1957: